

\tit 1880-G[rayson] article. G[rayson], G[eorge] W[ashington]. 1880. "Maskoke Vrahkv." Indian Journal, April 22, 1880. Microfilm, State Historical Society of Wisconsin.

MASKOKE VRAHKV.

No. 4.

Mohmenheyv espoke makate vco-
kkvyen esfvtciyet ohmen, momosen
same cokotet este 15 es estemonta-
hlet mekko ponhaket omemvc. Mo-
men enhomv kvmetvlke vnrvpakvte
emomecicet omet tvlecv vlke ehomvn
resoricet omis emehvperket omvt-
hakemvc. Maskok—ofv tvsekiyv em-
vkvsvmkv eswokke hokkolet (Kvha-
[...] estomet Maskoke) o[n?] tomekv,
Kvhakocvlke, "heyvt mekko hakekvs'
kohme este ahuericakvtet e oyet om-
emvc. Momenhvte etentokorkek of
heyv este eswokke hokkolat emvkvs-
vmkv hayepaten emvpvyehocen omat
nake hervke mahen este Maskoke
emmomece tetayeoket, "heyvt pom
oh hueretvtoa', maket cokv tvlenetis
esvwahecet tetaye oket follvtetos.

Montvmls emwiketv yackvt omeci-
ce mahen follet okhoyemvtok naken
tvlvw vlke tonomat enlopihcet omhos
komeskon esmonket omemvc. Heyv
este eswokke hvkkole okvyat emwi-
ketv estvmi vlkis tetih hvmkv omen
etewahile es vwahatet tvlwn vlken
tayen emvnices komvtha? Tvlwv
vlke emvhuera rokko estomecet om-
vkatén lvpken fekewitvkes kometv
omose vkerrickv hayeseke vwahatet
nake rokkotos komvtha? En tvseki-
yv tvleporvlke ennavlkerretv es e em
vnlce cvpofv omis rokkoece, nak lok-
cetis ten cahnelice, nak ockv, momet
kvwopkose ohfvtecv vhece sopaklvte,
solke mahen fekhonnickv svkerrickv
vhakv eshoyvnecihace es vwahvnet
mvt nake heremahat tat haks? Mo-
men mv vhakv mahosat pomvhak

empvtakvn vnrvpetos maketvn Fvt-
cecv-hvl-wvlket esfvt cecvtetos mak-
etvt ocet on tometvnks ; mome nake
fvtcvtet fvtcecv hvlwvlke en cokv
sohcoket esliket omof este ensulke
momvteket mvn kerrekat, mont mek-
ko vtakis kerrekat, mvn eshoyvneci-
cakvthaks? Este Maskoke entvse-
kiyv vtekat kvwopkose ohfvtecv vkoe-
kvre, momet emafvcketv em oh hvt-
vlvyetv kometv, “heyvt pom oh hue-
retvtos” pokihocvte heyvn okhoyvt-
haks? Tvsekiyv tonomat cvpofvtis
em oh hvtvlaken, nak lokcetis svm-
ome estvmahet enlokcen, ematcvke
tis herake enhaken, tokonawvtis me
tenrvwv follen estvnkot omisas komet
e vceville heret sehokof, “momemahet
omackekan-heres komat este ponsas-
et ontomekv fekhvnnvks” maketv to
etenhvnkosen vhakv eshoyvnnectekvt
nake svmmomos mahhat to tonehaks?
Heyv vpohkv ocakat heren vketecvt
kate, pomvvpvke este hoporrenvlket
omake tat onkv entvsekiyvlken em-
vkerret esahkoprvnet esfollet omis
ome is estenhaket ome oretos. Mo-
mis hvtvm makares.

G. W. G.